

**Nej yuav tsum ceevfaj, tsis txhob saib tsis taus ib tug neeg twg uas muaj lub siab mos muag li cov menyuam yaus no. Kuv qhia rau nej hais tias, cov tubtxib saum ntuj Ceebtsheej uas ib txwm nyob ntawm kuv Txiv, tus uas nyob saum ntuj Ceebtsheej lub xubntiag zov rawv lawv. (Mathais 18:1-6, 10)**

Ib tsoom neeg lxayees es, nej ua tib zoo nloog. Tsuas yog tus TSWV tib leeg xwb thiaj yog peb tus Vajtswv.

**Nej yuav tsum muab siab npuab tus TSWV uas yog nej tus Vajtswv kawg siab kawg ntsws, kawg plab kawg plawv, thiab kawg nej lub dag lub zog.**

Nej yuav tsum nco ntsoov Vajtswv tej lus uas hnuv no kuv tabtom muab cob rau nej. Nej yuav tsum muab qhia rau nej tej menyuam, thiab niajhnuv hais tej lus ntawd, thaum nej nyob hauv vaj hauv tsev, thaum taug kev, thaum so thiab thaum ua haujlwm. (Kevcai 6:4-7)

## **385**

### **KHO MOB**

Thaum Yexus nqis pem roob los, muaj neeg coob coob tuaj nrog nws mus.

**Muaj ib tug txivneej mob ruas los txhos caug ntua ntawm Yexus hauvntej thov hais tias, "Xibhwb, yog koj zoo siab kho kuv tus mob koj yeej kho tau."**

Yexus cev loo tes mus tuav nkaus tus ntawd thiab hais tias, kuv zoo siab pab koj, koj tej ruas cia li zoo hlo. Tamsim ntawd tus ntawd tej ruas txawm zoo tas huv tibi.

**Yexus hais rau nws hais tias, koj tsis txhob mus qhia zaj no rau leejtwg hlo li, tiamsis koj cia li ncaj qha mus cuag tus povthawj kom nws saib hais tias, koj tej ruas twb zoo lawm. Tomqab ntawd koj cia li nqa ob tug noog uas huv raws kevcai mus pub rau Vajtswv raws li Mauxes qhia tseg, sawvdaws thiaj yuav paub hais tias, nimno koj twb zoo lawm.**

Thaum Yexus mus txog hauv lub moos Kalena-us, muaj ib tug thawj tubrog Loo tuaj cuag Yexus.

**Nws thov Yexus hais tias, Xibhwb, kuv tus tubqhe mob heev tom tsev. Nws tes taw twb txhav tas txomnyem kawg li.**

Yexus hais tias, kuv yuav mus kho nws. Tus thawj tubrog teb hais tias, Xibhwb koj tsis txhob mus. Kuv yog ib tug tsis tsimnyog koj mus hauv kuv tsev. Thov koj hais tib los xwb cais kuv tus tubqhe yeej yuav zoo.

**Txawm yog kuv los kuv tseem muaj cov hlob kav kuv, thiab kuv muaj ib co tubrog uas kuv kav. Yog kuv hais rau tus no hais tias, Mus, nws txawm mus. Yog kuv hais rau tus tod hais tias, Los, nws txawm los, thiab yog kuv hais rau kuv tus tubqhe hais tias, Ua li no, nws txawm ua li ntawd.**